

Maki Nasumo Naña
YOANE
Siriyuia
Visayuena Na Tusi Nene

Suniena na plas na tusi nini

Maki ãesa kiena Yoane, naga kiena sitomena keviu lua.

Nasumo, Yoane sinenan sape visirlua sitomena kiena li nalelagaena lala naña aulo ñaki nini, vena silaga monar asikol la ruruia naña kiela sitomena ve taaga ga, a vena asikola ruruia amio Ntewa, amio narina naña Yesu Kristo.

A nalua, naga vena visaen vanilla vena ve ataveve re navianiena la naña kiela vianena pe mesmesu re poli, komin navianena la nene akilia akila kare sumãre e kiela visena na visokanen lala, ana yoko kilia kila naña li nalelagaena la taãatete si asikol ruru la e sitomiena ve taaga.

Navianena la nene asumã apian ke yaru lala, asape ãelaga viowa la apimi amãalivi komin yaru la asike e yomarava, a amiyunãe ke ga e suri na yomarava la ne. Amio nanene, asitom sape Yesu, naga narina Ntewa, ana pe pe yaru ruru re sane ita poli. La asumã apisa ke asape visae Ntewa tamalia yaru, yaru nena taãatete sitomali si malena na yomarava nini, a pe pe suri re poli visae yaru na sanene kila milamulena viowa po pe kila re milamulena viowa poli a pe pe suri re ñena poli visae naga sinena si yaru taãena pona

ve sinena si re, ana suri la nene maran taaga ga, pe suri na yomarava ga.

Yoane siri ñaki nini, sape kila meraravan naña naga yepen mavin sitomiena la nene pano-o pañisi, a pisawal meraravan naña Yesu Kristo, naga pe yaru nena sane ita. A naga pisaar ñarera sape yaru la naña amlelaga e Yesu, a sinela si Ntewa, monar sinela sisi la ñenaga.

Kompañnen Tusi La Na Nini

Visena ñesa 1:1-4

Legiena a yemalo 1:5—2:29

Narina Ntewa lala a narina Yermare lala 3:1-24

Ninuna naña pe purñesnen visena lelaga a ninuna naña pe purñesnen visena na visokanena 4:1-6

Ñelaga kiena yaru naña sinena si yaru 4:7-21

Ñelaga na lelagaena naña kilia taulu make suri la silaga 5:1-21

Yar na visawalen malena kiena ne Ntewa van ita, naga pimi e yomarava ñisi rui

¹ Sur tai, nanua sumo e pogos naña yomarava siaria, ana nagane in na nemloge, nepisu e kilamarau, in na nepisu ruru pano-o, netol nena e lumñau. Sur nene, kiena kia sanini, sape Navisawalen Malena, po Purñes nen Malena, po Malena Naña Ve Uro Re Pogos Tai, nane in na sineun nesape nesiri van amiu. ² Sur nene, nanua sumo pe tekilia re poli, naga suña ga amio Ntewa arimata pano-o, nagane na pimi ñarpoyo merarava e marata e yomarava nini narui, ana

imimi moki mepisuia, a mepisawal pan yeririna lala. ³ Imimi memloge ruru nena e kiligamimi lala, a mepisu nena e kilamaramimi, ana mesape mevisawal van amiu vena kam m̃ena ga alelaga ea. Visae kam alelaga ea, yokorena kam m̃ena aim ave taaga amio imimi, sa naña imimi mepe taaga ga memio arimata Ntewa a narina Yesu Kristo rui. ⁴ Sur nene kila pupia kekarena sike amio imimi silaga, a visae auarar ruru visena la naña nesape nevisa van amiu e m̃aki nini, yoko pupia kekarena nene sike m̃ena amio amiu, p̃isi na kila ita punu ga teloge wo vañisi.

Ntewa naga pe pur̃es nen yomerarava

⁵ Visena naña narina ne Ntewa mla pan imimi, pisape monar mevisawal van yeririna tañena lala, sa nene, naga pisa sape, Ntewa pe pur̃es nen yomerarava, pe narin yemalolo re nena tai teke puna. ⁶ Ve sanene, visae tepisawal ke tesape tepe taaga temio Ntewa, ana tekila ke ga p̃elaga na yemalolo la na wa, nanene tepisokan ke ga ne, pe tekila re sur na lelaga nene poli. ⁷ Ana visae tesuñã teyal m̃a e yomerarava naña Ntewa sike e silaga, kila yoko telapran ita ruru wo silaga, ana tevisu tana na narina, Yesu, kilia kevan ita temekiki e kieta mlamulena viowa lala.

Nayalena e yomerarava kiena ne Ntewa: Monar teligan plan p̃elaga na mlamulena viowa lala

⁸ Yeririna naña pisawo ke, pisape naga pe naviowaena su re e kiena malena poli, kiena visena nene pe pe lelaga re poli, naga pisa kotalia ke sina ga naga. ⁹ Ana visae tevisa plan ga

kieta naviowaena lala, yoko Ntewa viewo ita, p̃isi na war plan kieta naviowaena lala vetan ita, kila ita temekiki. Naga ga kila ruru mrapa na kilaen sanene rui, ana ita towasine ga naga sane yoko kila van ita sanena naṗa pisaaria. ¹⁰ Ana visae tesuṃa tevirovia, tevisa ṃa tesape pe tekila re naviowaena poli na, nanene ita tekila sane Ntewa naga pisokan ga, a ita tekila sane kiena visena nowo na lelagaena, pe tepuarar ruru re nena e kieta malena la poli.

2

¹ Naruu lala, sineun nesape nesiri visena nini van amiu vena iila amiu avisuluṗar sane pe pon re si ataṗa mlamulena viowa poli. Ana visae pogos tai, amiu yar tai kila viowa, monar tesitoṃal silaga Yesu sulue ga sike na, sane pe yar wa tai na waren kieta visena lala. Naga mesmes, a mekiki, naga kilia va suṃal mesmes e mara Ntewa, kilia viun tania vena naga sinen ye ita, viewo itania. ² Ana mrapa na kilaen sa naṗa yoko Ntewa kilia viewo itania sanini, nane Yesu ga ne, komin naga pe kuṗaṗaena na warplanen kieta mlamulena viowa lala, ita yeririna punu ga na yomerava.

*Nayalena e yomerarava kiena ne Ntewa:
Monar telogear kiena navisaluaena lala*

³ Visae yar tai viun ve sanini, visave: ?In na pe nekilia re poli, nekilia ruru Ntewa, pona pe nekilia ruru re naga poli? ?In na nepe kiena, pona pe nepe kiena re poli? Ve sanene na, teviun si tania, tevisave, ?Sanape, ko na omlelaga ke

e kiena visena lala, pona pe omlelaga re poli?
⁴ Nanene vanon naña visae yar tai visa sape naga kilia ruru sape Ntewa, naga pe kiena, a naga pe kila re sur la naña navisaluaena kiena ne Ntewa pisa ke ne, yar nene naga pe pisa re lelaga ne poli, pisokan ga. ⁵ Ana yar naña mlogear ruru visena kiena ne Ntewa, naga kila meraravan sane naga kekaran kemua lelaga, pimi keviu lue ga. Ana e mrapa na sanene narui tekilia ruru kemua tesape ita tepe kiena ne Ntewa na lelaga. ⁶ Yar naña naga pisa ke sape pe kie Yesu, yoko monar tevisuluþar naña naga mla kemua Yesu pe lelaga e kiena malena.

⁷ Erau lala, e lepas tai na, navisaluaena naña nesiri ke pan amiu, naga pe pe visena viu re tai naña na nanagane poli, naga pe visena tai na susumo, pe visena kiena ne Ntewa ga naña amloge pa na susumo rui. ⁸ Ana e lepas taþena tai na, pe lelaga mña naña navisaluaena nene, naga sa ga pe urviu si tai pan ita, komin ita tepisu ke sane nagane þere ke yemalolo þaro pano, kila ke yomerarava na lelagaena pimi narui. Naga sane e malena kiena ne Yesu narui, a nanagane pimi ke mña sanene e kieta malena la narui, þisi na kila ita tepisu kilale ke visena viu nene pe lelaga kemua.

⁹ Visae yar tai visa sape mial ke pa e yomerarava rui, ana tepisu naga sinen kar ke wenla, kila ke piowa pania, yar nene sike e yemalolo wa. ¹⁰ Ana yar naña kekaran wenla, kila ke po pania, yar nene mial ke pa e yomerarava

narui, tařatete sitomřal sape řisi na yalwowe sina e yemalolo, lolor si pogos tai. ¹¹ Ana naga nařa sinen kar ke wenla, naga ve ve sa re nene. Naga sike e yemalolo wa, yemalolo kila sane kilamarana řala, mial wowe lue ga e pupumalko, pe pisuluřar re kiena mrapa poli, pisuluřar re lele ne kom ke e poli.

Nayalena e yomerarava kiena ne Ntewa: Ve tekekarana re yomarava nini

¹² Amiu naruu lala, amiu kiau nin sisi lala e kieta na lelagaena, in na nesiri ke visena la nene pan amiu komin kam ke narui nařa Ntewa arimata piewo kiamiu mlamulena viowa komin kia kiena Yesu Kristo, ana amiu akilia naga. ¹³ Kiamiu yermarua lala, in na nesiri ke visena la nene pan amiu komin kam ke narui akilia ruru laa naga rui, nařa naga mali sike nanua sumo, sumon na siiena yomarava nini. ¹⁴ Kiamiu yar mřee lala, in na nesiri ke visena la nene pan amiu komin kam ke nařa ařarera ruru po narui, amligan ruru pa visena kiena ne Ntewa teke e kiamiu malena la rui, ataulu pa Yar Viowa nene rui. ¹⁵ Sineun nesape nevisa ve sanene van amiu, ve akekarana manene re yomarava nini, pona kiena sur lala. Yar na kekarana manene yomarava nini, naga tařatete kekarana ruru arimata. ¹⁶ Nanene komin nařa sur na yomarava lala, pona kiena řelaga lala, ape tařena, pe sa re sur kiena ne arimata Ntewa amio kiena řelaga lala. Sur na yomarava la nene la sanini, lala ape purřes nen nasinenanen sur moki, ape purřes nen nawereen kilamarata,

ape purþes nen warwarena e kieta malena. ¹⁷Yomarava nini, amio kiena sur la naþa yeririna la sinelan manene silaga, naga pimi ke vena kovioena ga, ana yar naþa kila ke mesmes e nasinenanena kiena ne Ntewa, naga yoko sulue ga sike narui.

Nayalen e yomerarava kiena ne Ntewa: Monar tevisuar ruru ita vanon sinekar

¹⁸ Naruu lalo-o, nagane tesike e pog maro narui, sa naþa amloge pa rui, na yar naþa apio asape Nasinekar kiena ne Kristo, yoko kilia vim katenia. Pe tepisu re naga poli wa, ana tepisu pa narin yeririna moki na kila kareen Kristo rui, ana kila tepisuluþaria sane yoko ve ve piavi re na Legiena Maro mñalivi. ¹⁹ Sinekar la naþa nepisayu ke ne, kam na akilia ke ne. Nanua, la asu amio ita asu ga likan ita, ana siraunia, asumñalu narui, amligan ita aþure matan ita sina apano. Nanagane na, tepisuluþar la ruru nenaga, sane pe apimi re veraga ga amio ita poli, vanon visae peraga, yoko la asu ruru ga amio ita. ²⁰ Ana kam naþa asu ruru ke ga wa, yar wa Kristo pisa ruru amiu pa rui, ana apisuluþar kiena visena, yoko taþatete aurmatan si naga. ²¹ Ve asitom re asape in na sineun nesape nevisi van amiu vanon sitomena tai naþa asape amiu na amninue ga suria, vanon pe sa re nene poli. In na nepisu sane akilia aloge ruru kilale visena na lelaga a visena na visokanen þisi rui, amiu akilia pa rui visena navisokanena taþatete molue e visena nalelaga, ana nesape nevis van amiu ve naiilaar amiuena. ²² ?Ana visokanen ya ne

la nene apisa ke ne? Visena ne nane, apisa sanene, asape Yesu naga pe pe Navisaarena re poli naŕa Ntewa mligan pimi tamalia yomarava nini. Visena nene naga pe visena kiena yar la naŕa sinela kar ke Yesu, ana yar naŕa pisa sanene, naga kawe ke Ntewa arimata, a kawe ke mēna narina. ²³ Yar naŕa pilopu māsina pa narina ne Ntewa, Ntewa taŕatete se e naga, a yar naŕa pisawal ruruia pisape naga mla narina ne Ntewa e kiena malena, yoko Ntewa mēna ga sike amio naga silaga.

²⁴ Lologena wo naŕa amloge ŕesania nanua sumo, naga pe visen wo a pe lelaga, ana popon aligan ruruia e kiamiu malena lala. Visae ve sanene, yoko kiamiu malena naga sunā wo e Ntewa amio Narina silaga, ²⁵ nagane akilia atol malena naŕa naga pisaaria sape la maran si van ita, naŕa ve uro re pogos tai.

²⁶ Naga ga nene nesape nevisa van amiu e lepas kiena ne la naŕa apisa kotalia amiu ke ne, asape aure amiu ava ave taŕena sina. ²⁷ Kristo na miawawo amiu pa rui, ana Ninuna Wa naŕa amiu atolia e pogos naŕa, naga sike amio amiu wa. Naga kilia vian amiu e sur punu ga naŕa pe lelaga a memes, ana taŕatete si akale yar tai naŕa naga kilia vian amiu sina ga e sur laŕasia. Yoko akilali ga sa naŕa Ninuna Wa pian amiun e ŕisi rui, naŕa pisape popon amiu aligan ruru kiamiu malena to ruru lue ga e Kristo. ²⁸ Naga nene, naruu lala, visae kieta malena naga su ruru lue ga e Kristo, taŕatete teloge viowa pogos naŕa naga wasuŕe sina ga pun ita. Ana

visae peraga, pupia memawaena, p̃isi na tesape tokuswan marata pogos naṗa tevisu naga vim. ²⁹ Tekilia tesape Kristo, kiena p̃elaga punu ga po a mesmesu, ana yar naṗa naga m̃ena sanene, tekilia tesape yar nene naga m̃ena pe narina ne Ntewa sane Kristo.

3

Ita tepe narina ne Ntewa lala

¹ Asitomveveli sitomena kiena ne arimata Ntewa e ita yeririna viowa lala. Naga kekaran ita keviu paṗisi, pano-o kila pan ita sa ga naṗa tepisu ita sane narin ga lala. Ana pe ita re ga tepisu ita sa nene poli, naga m̃ena p̃isu ita sanene, komin naṗa pure ita tepa loyuṃa e namratava puna rui, sane narina wawa lala. Yar taṗena lala e yomarava pe akilia ruru re arimata poli, sa naṗa ita tekilia naga, ana sur nene kila la pe ap̃isu kilale ita re m̃ena poli, sane ita tepe narina lala. ² Erau lala, ita tekilia tevisa tesape tepe narina ne Ntewa, ana pe tekilia re poli wa, sane p̃isi na sirau, yoko naga kila ita teim teve ya sina ga. Ana sur tai tekilia ruruia, naṗa visae Suṗe Yesu warpoyo sina ga, yoko tevisu ruru nena naga e kilamarata napo, tevisu ruru naga, naga ke narui, ana pogos naṗa tevisu sanene, yoko teimi teve sa ga naga. ³ Ana yar naṗa sinenan sape yoko naga m̃ena imi ve sa Yesu Kristo, naga monar uarar ruru kiena malena mekiki ruruia a ve wa, sa ga Yesu.

Ita narina ne Ntewa lala: Monar teligan ðelaga viowa lala

⁴ Yar naþa taþa mlamulena viowa, kilaro ke navisaluaena kiena ne Ntewa, komin purþes nen ðelaga viowa, naga pe ðelaga na monen logearen navisaluaena. ⁵ Ana pogos naþa Yesu pimi e yomerava nini, naga pimi naþa pe mlamulena viowa tai to re nene e naga, naga pimin vena war plan kieta mlamulena viowa lala. ⁶ Ana visae sanene, yar naþa kiena malena teke ruru e naga, yoko mlamulena viowa ve su re si e naga, naga taþatete si kila naviowaena. Ana yar naþa mlamulena viowa teke e kiena malena silaga, naga pe pisu ruru re naga poli wa, naga pe kilia re nena naga. ⁷ Kiau narin sisi lala, piowa naþa avisa kotalia amiu. Yar naþa kiena malena po, naga pe yar mesmesu sane Kristo. ⁸ Yar naþa kiena malena piowa, naga pe yeririna kiena Yermare, naþa naga pe purþes nen mlamulena viowa e yomarava, siaria e nasiiena pimi tol nanagane. Pelaga viowa kiena ne Yermare kila narina ne Ntewa pitomi malivi e yomarava nini, vena we plan kiena yuaena viowa lala a kila kiena puriukawaena naga þisi. ⁹ Yar naþa sike loyumua e namratava kiena ne Ntewa, naga taþatete si taþa mlamulena viowa, vanon malena kiena ne Ntewa te ea. Naga pe narina ne Ntewa, ana monar kus ðelaga wo kiena ne arimana nene, þisi na taþatete si kila viowa. ¹⁰ E mrapa ne la nene ita monar tevisu kilia ruru ga sane ane pe narina ne Ntewa, a ane pe narina ne Yermare. Yar naþa pe kila re mesmes poli, pona

yaru naña pe kekaran re namratava puna poli, yar na sanene naga pe pe nin sisi kiena ne re nena Ntewa poli.

Ita narina ne Ntewa lala: Monar telogear navisaluaena nasitomen yeririna taña lala

¹¹ Lologena naña amiu amloge siar e purpësia pimi, na sanini, naña pisa sape: ita monar tekekaran ita silaga. ¹² Asitoñali yar sa Yermare nanua ne, Ken, naña pe kekaran re wenla naña Epol poli, naga mēmomañaria. Piowa naña tekila sanene, ana popon tesitomvevelia mias ya ne naga kila sanene? Nanene vanon kiena yuññaena lala, Ntewa pisu piowa ga, ana kiena ne wenla, naga mesmes ruru po, ana Ntewa kekarania, pñisi na kila Ken pieluen wenla panonia, sinen karia, mēmaria.

¹³ Erau lala, pñelaga viowa na sa nene, yeririna la akila ke pimi tol nanagane, ana ve teilan re naña visae tevisu la avieluen ita mña ga, avisa kare ita vanon yuññaena wo lala kiena ne Ntewa naña visae teyuññaenia. ¹⁴ Ana ita naña pe sineta kar re yar la poli, tekekaran ruru na mratava pun ita, nanene pe mrapa na kila meraravanen sane temligan marena, tepim e malena rui. Ana yar naña sitomena pe to re e naga poli, naga sike e marena na wa. ¹⁵ Yar naña sinen kar na mratava puna tai, naga sane pe yar na wemoñaren yar la narui, ana sa naña ita tekilia ruru pña rui, yar na wemoñaren yaru, malena naña ve uro re pe to re e kiena malena poli.

¹⁶ Pona ita yar tai piun ke pisape, ana sur nañane sitomena, naga pe sur na sanape? Pogaga, tekilia tesape sitomena naña pe lelaga, naga sanini: Yesu Kristo tañan kiena malena wetelu panon ita, ana visae sitomena nene teke e ita, ãisi na ita mñena tetañan kieta malena vanon kieta wolai lala. ¹⁷ Yar tai naga limana pulen sur nowo lala a, wenla tai, limana plas kemua lelaga, pe kiena sur re poli. Pisi na naga pisuluñar wenla nene, ana naga kila sinen mñarera laa sane pania, pe miila re poli, yar na sanene sitomena kiena ne Ntewa pe to re nena e poli.

¹⁸ Naruu lala, kieta sitomena ve e re ga e kieta visena lala. Sitomena naña pe lelaga, naga pe sur re tai na visaen ga poli, pe sur na yumñanena a na kilaena. ¹⁹ Ana visae kieta sitomena ãarlologia ruru marana sanene, nane pe mrapa naña ita tekilia tesape visena lelaga kiena ne Ntewa ãar ke mras e kieta malena. Ana ve sanene na, teloge ga wo vena vaen lavisin Ntewa, ve temaraun re si naga. ²⁰ Pogos lañasia tekilia temaraun naga, vanon naña yoko kieta sitomena kilia liñere ita sina, kila ita tesitoñal sina tese kieta naviowaena lala, ana Ntewa naga kilia ruru punu pa rui, ana kieta na viewoena na naga keviu manene laa sane, ãar plan petan ita. ²¹ Erau lala, visae losineta naga merarava ruru wo, ãisi na naga tañatete liñere ita sina, kila pe temaraun re nena na va sumñalen se marana ne Ntewa na viunen sur tania. ²² Visae telelaga mña e naga, tekila mña sur la naña naga sinenania, ãisi na tekilia tetol suria la naña tepiun ke tania.

²³ Navisaluaena kiena ne Ntewa pan ita sanini, pisape: Monar telelaga e kia kiena ne narina, Yesu Kristo, a monar tekekaran ita silaga, sa naŋa naga pisa pan ita. ²⁴ Yar naŋa mlogear e navisaluaena kiena ne Ntewa, naga sike amio Ntewa. Ntewa teke e kiena malena. ?A yoko ita tekilia tesape naga teke e ita sanape? Sur nene, Ninuna naŋa naga mla pan ita naga kilia kila ita teloge kilale sane pe lelaga.

4

Ita narina ne Ntewa: Monar tevisuar ruru vanon sinekar kiena ne Kristo lala amio ŋelaga na yomarava

¹ Erau lala: visae amiu yar tai visa ke sape Ninuna Wa teke e naga, kila ke naga pisawal ke kiena visena, popon sa amiu avisu ruruia aninuluŋar ninuna na teke e naga, pe lelaga ninuna kiena ne Ntewa, po pe kiena re Ntewa poli. Ita monar tevisu ruruia komin navisawalena navisokanena lala moki asu make yo la ne e yomarava nini rui. ² ?Ana tekilia teninu luŋar ninuna la nene ve sanape? Ita tekilia tevisu luŋar Ninuna Wa kiena ne Ntewa komin naga pisawal pisape Yesu Kristo pimi pe yeririna, paeme e yomerava, ³ ana visae ninuna tai ve visa re sanene, ninuna nene pe pe kiena ne re Ntewa poli. Ninuna na sanene na molue kome nasinekar kena Kristo, naŋa amiu amloge pa rui sane pimi ke rui, pona sike pa e yomarava nini rui. ⁴ Ana naruu lala, ve amaraun re navisawalena la nene, komin amiu asike e lepas kiena ne Ntewa, akilia ataulu la

ga. Lelaga pañisi, naga naña teke e amiu naga ñarera laa taulu naga naña sike e yomarava. ⁵ Yar na visokanen la ape yeririna na yomarava ga nini, ana visena la naña apisa ke ne molue ga e sitomena na yomarava nini, ana yeririna tañena la na yomarava nini amiyagogan la. ⁶ Ana ita yeririna na lelagaena, ita na pe na yomarava re nini poli, ita tepe kiena ne Ntewa. Yar naña kilia ruru Ntewa, naga kekaran yagogon itaena, a naga naña pe kiena ne Ntewa re poli, mon yagogon itaena. E mrapa ne la nene ita tekilia teninu luñar Ninuna na visena naña lelaga, a ninuna na visokanena.

Pelaga na sinesiena

⁷ Erau lala, popon naña tekekaran ita silaga, komin sinesiena naga pe ñelaga kiena ne Ntewa. Yar naña sinen si yeririna, naga pe narina ne Ntewa, ñarlologia ga ñelaga kiena ne Ntewa, kilia ruru Ntewa e kiena malena. ⁸ Yar naña pe sinen si re yeririna la poli, naga kilia re Ntewa poli, komin Ntewa na pe purñes nen nasinesiena. ⁹ ? Ana tepisu pupia nasinesiena kiena ne Ntewa nene pogwai? Tepisu kiena sinesiena nene e pogos naña mligan narina taaga nene pimi e yomarava, vena kila ita tekilia temal. ¹⁰ Nanene nasinesiena naña pe lelaga kemua: pe naga re naña sineta si Ntewa poli, ana naña naga sinena si ita, pano-o tamñan narina pitomi pe kuñañaena pe na kilaruruen marana ne kieta naviowaena lala.

¹¹ Erau lala, komin naña Ntewa sinen si ita keviu sanene, kila po pan ita sanene, popon

ita m̃ena ga sineta sisi ita ve sanene, tekila wo van ita. ¹² Yar taṗatete kirawal Ntewa, ana visae ita sineta si manene ita, yoko tevisu sane Ntewa teke e kieta malena, ana ṗelaga na kiena sinesiena yoko imi ve keviu manene laa sane e kieta malena.

¹³ Ita tekilia Ntewa teke e kieta malena, a ita tesike ruru ga e losinena, komin naga mla Nin-una mesmes pan ita, pe na kilaen ita telogekilale tesape sur naṗa pe lelaga. ¹⁴ Tekilia m̃ena ga pe lelaga ga naṗa Arimata Ntewa mligan narina nene pitomi vena natamaliaena na yomarava, ve sa naṗa ita tepisu pa e kilamarata rui a naṗa tepisawal ke e yo punu ga. ¹⁵ Yar naṗa pisawal ke sape Yesu pe narina ne Ntewa kemua lelaga, Ntewa teke e losinena, a naga m̃ena teke e losinena ne Ntewa. ¹⁶ Tekilia ruru po naṗa Ntewa sinen si ita, komin naṗa tekilia teloge kilia e kieta malena lala, ana tekilia telelaga e kiena visena naṗa pisawal pan ita. Ntewa naga pe purṗes nen nasinesiena, ana yar naṗa ṗelaga na sinesiena pimi keviu e kiena malena, naga teke e losinena Ntewa, a Ntewa teke e losinena. ¹⁷ Ntewa sinenan sape kila ṗelaga na sinesiena vim ve keviu la sane e kieta malena lala, vena kilaen kieta ṗelaga lala na yomarava nini ve sa ga ṗelaga kiena ne Kristo nanua ne. Ana visae kieta ṗelaga lala vim wo ve sa nene, yoko wo van ita vaṗisi ne, vanon taṗatete si temarau po tememawa e legiena na liṗereena na pimi ke ne. ¹⁸ Visae yar tai naga marau, nanene vanon naṗa naga pisu kiena nakoena tai pimi ke rui, a naga

mloge kilale re sinesiena kiena ne Ntewa kila ruru kiena malena poli. Ana þelaga na sinesiena napo naga kilia mñenelua nena pupia marauena nene.

¹⁹ Visae sineta si ke yeririna taþena lala, nanene vanon Ntewa naga sinen si ita þesia. ²⁰ Yar naþa pisa sape naga sinen si Ntewa, ana sinen kar ke namratava tai puna, naga pisokan ke ga. Visae namratava puna naþa suña pisu lue ga ana naga pe sinen si re poli, naga taþatete sinen si Ntewa naþa naga pe pisu re e kilamarana poli. ²¹ Navisaluaena kiena ne Kristo e kieta malena naga sanini, sape: yar naþa sinenan sape ve yar nasinesiruruen Ntewa, naga monar sinen si ruru mña namratava puna lala.

5

¹ Yar naþa mlelaga sape Yesu na pe Navisaarena, yar nene naga pe narina ne Ntewa lelaga. Ana visae narina ne Ntewa nene visa sape naga sinen si Arimana Ntewa, naga monar sinen si mña narina ne Ntewa taþena lala. ² ? Ana yoko naga kilia sape sinen si ruru la ve sanape? Visae sinen si Ntewa, ana mlogear kiena navisaluaena lala, yoko naga visu naþa sinen si kemua narin Ntewa la pe lelaga ga. ³ Pelaga na sinen si Ntewa naga sanini: touarar ruru kiena visena. Kiena navisaluaena lala pe urmi manene re pan ita naþa teyumaen poli, ⁴ komin ita sisi la naþa tepaeme pu Ntewa, visae tesuñal mñarera e kieta naviawaena, ita tepe yeririna na tauluen pa yomerava nini rui. ⁵ Neviun si vetan amiu: ?

Yar naña taulu ke yomarava nini naga ai? Naga ga naña visae sumal marera sape Yesu naga pe narina ne Ntewa kemua lelaga.

⁶⁻⁸ ?Ana tekilia ve sanape naña Yesu naga pe narina ne Ntewa? Yar la telu naña apisawal visena nene pan ita: tai na Ninuna Wa, tai na wii, a tañena na kuruta, a la telu nene apisawalia sane visena taaga ga. Wii naga pisa sape e ðelaga kiena ne Yesu Kristo, naña paeme e yomarava sanape, naga tol nakeena sanape, ita tekilia tevisuluþar sane naga pe narina ne Ntewa. Ana pe naga re ga nene poli, ana kuruta mēna pisa sape e ðelaga kiena ne Yesu mā ke na wa, naña naga mare sanape, ita tekilia tevisuluþar sane pe lelaga. Ana metavan si nanene, Ninuna Wa, naña kiena visena pe lelaga lue ga, pisawal meraravan mēna e maran yeririna la nakonua rui. ⁹ Ana visena la naña Ninuna Wa kila, la aurumi paþisi, visae ve sanene monar telelaga ga ea, komin nanene pe pe visena kie yeririna re ga la poli, naga pe visena kiena ne Ntewa navisawalen sape naga pisu Narina sanape. ¹⁰ Yar naña naga mlelaga ruru e narina ne Ntewa ve lelaga, visena la nene tawa ruru ga sike e kiena sitomena, pe sitom þele re si poli, ana yar naña pe mlelaga re e narina ne Ntewa poli, pe mlelaga re e sur naña Ntewa pisa meraravan ke e narina poli, naga pisu sane Ntewa pisokan ga. ¹¹ Ana visena la naña monar tesumal marera e silaga, sa nene, asape: Ntewa mla malena naña ve uro re pogos tai pan ita, ana purþes nen malena nene na pe

Narina ga. ¹² Yar naña narina ne Ntewa teke e kiena malena, naga tol pa malena rui, ana naña narina ne Ntewa pe to re e kiena malena poli, naga pe tol re malena poli wa.

Visen maro: Malena naña pe luas to re e poli

¹³ Nesiri ke mñaki nini pan amiu naña amlelaga pa e kia kiena ne narina ne Ntewa rui, vena iila amiuena ve kiamiu sitomena ve veve lua re, vena akilia ruru sane atol pa malena naña ve uro re. ¹⁴ Pogos naña kieta sitomena ve pepe re, ita tekilia tesuñalu mñarera e naga, pñisi na sur ya ne teviun tania mesmesun e kiena nasinenanena, yoko naga loge ita. ¹⁵ Ana visae tekilia ruru sane naga mloge ita pa rui, tekilia ruru mña sane sur ya naña tepiun tania, sa naña tetol pa rui.

¹⁶ Visae tevisu kieta wolai tai naga kila ke naviowaena, naña naviowaena nene pe keviu re poli, pe torokin re yar mare vanon poli, pona wereplan si yeririna lala vetan Yesu Kristo, ita tekilia telenwoia, pñisi na Ntewa kilia tañan ga naga to loyuña e malena. Ana pe nepisa re nesape poga ga amiu alenwo yar naña kila pupia naviowaena, vanon naviowaena pñasia naga na marena ga, ana visae yar tai naga kila sanene, yoko ita tañatete si tevisa sur tai. ¹⁷ Sur natañaviowaena make ga naga mlamulena viowa nene, ana naviowaena pñasia ape na marena, ana pñasia pe na marena re poli.

¹⁸ Ana tekilia pa rui sane yar naña pimi pe narina ne Ntewa, naga ve kila re si viowaena na marena pona viowaena na pe na marena re poli. Yar na sa nene monar visuar ruru naga,

vilon mesmes ruru kiena malena, p̃isi na yar viowa nene taṣatete si kila sur tai vania, taṣatete kila kare si naga. ¹⁹ Yomarava wetelu nini sike vatanon puriukawaena kiena ne Yar Viowa nene, ana ita yeririna lala naṣa temlelaga, tekilia ita tepe kiena ne Ntewa ga. ²⁰ Ita tekilia sane narina ne Ntewa pitomi, mla pan ita navisu kilaleena vena tekilia Ntewa naṣa pe lelaga, ana ita tesike ga e naga ga narui, amio narina nene, Yesu Kristo. Kieta Ntewa nene naga pe lelaga, ana malena naṣa mla pan ita naga pe luas re poli.

²¹ Naruu lala: amiu avisuar ruru amiu, amiu alotun Ntewa nene naga taaga ga silau, ve ataṣan re nono taṣena lala aimi akus lelana e kiamiu sitomen lala.

**Lologena Wo Kienane Yesu Kristo Kome
Kewo
The New Testament in the Lewo Language of Epi
Island, Vanuatu
Le Nouveau Testament en Lewo langue de l'île d'Épi
au Vanuatu — Niutestamen long Lewo lanwis, blong
Epi Aelan, Vanuatu**

copyright © 2016 Wycliffe Bible Translators, Inc.

Language: Lewo

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

PDF generated using Haiola and XeLaTeX on 21 Feb 2024 from source files dated 31 Aug 2023

ee028e1c-7e53-571d-8041-681daaf580e8